

百
柱
堂
全
集

百柱堂全集卷二十五

附錄丁卯

監利王柏心子壽著

廉使嚴公有桂管奉命使黔賦詩奉送

帝念西南古職方

詔宣清問下黔陽
駢驂六月來星使
烽火千山照夜郎
道卜頒綸除節鎮
民思賣劍返耕桑
知公復作王新建
何止威行八寨傍

贈丁生季康

星昌

丁生起黔塞
逸足如飛黃
家世本通貴
簪組代相望
承明與旌節
名播西南疆
阿翁晚佐郡
老驥猶騰驤
生也甫弱冠
隨

侍荆臺傍深心事毫素獵精窺縹緗厥才頗適麗矯矯擅詞
場吾觀古人業末者乃文章讀書貴經世勦照旂與常甲兵
尙未弭撥亂需才良生其務遠大出濟九州康羽儀輝四國
於世爲鳳凰勿徒挾柔翰馳騁追班揚

次韻答耀卿

羈居初見火西流忽得新詩動我愁不必江郎工賦恨自然
楚客易悲秋龍蛇吾道甘韜迹豺虎中原倦倚樓稍待涼雲
起天末煙波歸去狎沙鷗

許枚卿

廣漢

太守于役南郡賜題拙集六首撫今感舊有慨

乎言敬用答謝

昔年傾蓋並豪雄，良會今仍聚渚宮。
世事三朝渾若夢，書生百戰未言功。
賢聲不負真循吏，衰鬢相看兩秃翁。
老守栖栖遲領郡，卻來江上問嗷鴻。

縱橫百萬虎狼羣，憶昔環城盡惡氛。
喋血屢夷驍賊壘，憂瘡新鼓土團軍。
樵蘇閒道驚俱斷，犄角援師久不聞。
孤注危疆能力捍，數奇曾未策功勳。

湯湯夏潦溢江波，鵠首東來奉檄過。
精衛石銜心力盡，流民圖潰淚痕多。
便宜汲黯同持節，經術平當任治河。
瑣尾從知皆鼓腹，懽聲側聽繞車歌。

諸公戮力洗乾坤，露布飛馳丹鳳門。
正喜貂蟬酬上賞，見愁

蛇豕熾中原狼星睖睖秦山暗蜃霧冥冥海氣昏
昨覩新篇殊激烈憂時心事共誰論

賤子曾無梁父吟崎嶇寇亂百憂侵偶同漆室舒悲嘯敢望
柯亭遇賞音客緒忽兼騷國忽明時猶抱杞人心
祖船詠史蒙垂聽擊節逢君感不禁

答丁松楸

景森

司馬見贈

卓犖論齡士無雙丁孝公看春翰杏苑綰綬領花封
飢餓屠龍技蹉跎汗馬功文淵殊嬰饒顧盼氣何雄

逐賊翻遭劾遷官不負丞艱危當楚塞留滯向江陵
戲賭圍碁墅閒邀蠟屐朋醉中消塊壘頓遣興飛騰

榮路諸昆貴家聲甲第高同時起方岳相望擁旌旄獨栖
遲久途多坎壈遭郎君騰上速都有鳳凰毛

前年曾履畝五馬駐江濱不籍黿鼉壤能寬鴻雁民停膠問
泉石叩戶訪沈淪握手欣傾蓋論交信有神

一卷憂時作殊慚大雅林誰知鳴鳳律亦賞候蟲吟品藻俄
相及揄揚甫自今回頭看敝帚不啻重千金

早秋得鄆友石太守延安書寄答

海內英奇悵索居金風葉下井梧初波濤楚澤潛夫里冰雪
素關壯士書苦憶七年勞寤寐遙聞千騎領旌旄甲兵小范
胸中富殘孽花門足埽除

連營吹角鎮延州
斥候烽銷更不憂
但使屬羌安保塞
無勞
敢戰取封侯
騷壇尙闕篇章捷
武庫深藏算略優
饗士投醪
軍盡樂猶煩河潤
及滄洲
辱荷餽金

答贈分甯丁枕泉

潛

艾城有畸人落落乃琨玉
千里走吾廬風雪叩剝啄入門再
拜言霑襟淚相續孤露方童身大母
實親鞠提攜至成人仁
恩等亭育重慈亦捐斧馳暉不可復
納壙乞銘詞無憂泐陵
谷別我貽篇章蘊義益闕爛我衰學
亦荒敢爲英賢告聞君
居山中插架羅卷軸漁獵窮百家奇
書靡不讀馳騁肆文詞
壯如導川瀆杜門謝育司曾不干利
祿修潔兼多聞內行又

敦睦羣從諸父閒逃名甘抱璞自從軍興來奔競策高足持
籌誇管商仗劍誦頗牧騰躍登要津影纓擁華轂臨仕徒自
營何救蒼生哭安得起君輩一出鎮頽俗吁嗟大道隱荃蕪
誰見錄邱樊栖紫鸞江海送黃鵠申章報盤阿庶用表高跼
九日韻石邀訪邁園

歸來惟閉戶今始訪巖阿秋色天邊淨江光林外多蓬櫟只
踰鼪井里尙鼃鼃不覩障川橫橫流當奈何

九日李徐二子渡江見訪未移晷卽返櫂

令節來佳士翩然乘興游肯窺黃葉徑不負白雲秋斜日回
輕艇滄江急晚流只慙無蟹菊未得盡淹留

梅村翁以所作四君子詠見寄因題其後

風頽道喪盛瀾狂作者高歌寓激揚欲遣千秋畱橘頌還從
九畹樹蘭芳古心落落超寥闊逸響泠泠入混茫亦解延年
微意在揮毫曾不涉山王

後雷斧行爲謝麀伯太史作

太史名維藩長安人自云游洞庭彌山見黑鳥銜此墮洞中遺

人探得之

雷公斧狀世稀見棄擲空山孰能辨與君先後同得之凜凜
摩挲色猶戰我衰但作谷中樵君珥彤管行歸

朝大鳥銜致豈無意報君入翼排青霄

紫庭挾藻未爲壯要使四海煙塵消花門雜種騁凶桀渭北

河西盡流血我師轉戰飢且疲君望鄉關最愁絕胸中兵甲
原縱橫赴

關蓋請終軍纓三秦豪傑可奮起慷慨立賦同袍行招搖大
星映河鼓前驅豐隆翼貔虎亂領妖腰死無所幾聞朝菌抗
蕭斧

答廖伯卽送歸秦

關內地形雄兩戒古來豪傑重三秦誰知肘腋興戎莽遂使
河山委戰塵避地浮湘同太史長歌入楚悼靈均鄉書道路
勞西問心事江湖望

北辰

昔我驅車秦隴游上書曾獻徒薪謀君來苦道花門熾歲晚
同深杞國憂此去悲歌兵燹地何人鎖鑰帝王州風塵後會
終難定目斷天長渭水流

臥榻

鉤陳華蓋象昭回紫閣祥雲北極開何意蜚虹侵日月無端
祲蜚幻樓臺兼戎事業懷王佐攘狄功名憶霸才臥榻非容
盪睡地茫茫漆室使心哀

帳前行一首寄示剛士

江海無波息桴鼓書生仗節開軍府熊旗獵獵風雲生帳前
策士賤如土勛名圖像高雲壑金穴銅山無後災丈夫功成

取快意殺身文種何爲哉

寄彭漁叟鄂渚

鄂渚歸田客孤懷鬱不伸
壘餘荒徑外烽走大江濱
反覆五行傳蕭條三戶民
無慘託鉛槧嗟爾白頭人

傳聞六首

漢水連鄖水烽煙孰掃除
傳聞皆乞活郡邑總邱墟
上將親持節環邊早建旗
常山率然勢策應遂成虛

散函連阨塞曉武各崢嶸
昔恃關樓壯今看賊騎橫
隴山誰復問漸上亦無營
虎視龍興地荒哉北斗城

長安城形如北斗舊名北斗城

楚豫無完土齊秦未息烽
中原縱戎馬井里絕耕農
經歲空

籌筆交綏孰折衝貂蟬均上賞努力固

堯封

射影非難測翻容臥榻邊蜚樓凌閣道鮫室倚

宮堧邪說倡簧鼓奇琛溢市廛攘夷誰自任微管獨稱賢

奇貨踰天府瓊琛埒上方直籠山海盡更引舳艫長葛相家
無蓄齊奴武不揚豈如身並擅貴盛樂無央

瘡疔猶難復誅求尙不勝吏皆師賈豎名盡託軍興召募何
當罷流庸亦可矜洗心兼息事往禍得無懲

歲盡有懷麟伯襄陽

歲除仍滯楚道梗未歸秦戰後千家哭天涯獨客春五陵烽

駱驛二華夢嶢岫今日登樓者凭闌倍愴神

余旬甫寄示層高堂所選六大家詩集屬題首簡

六大家者
子建關宗

太白子美退
之獻吉也

塞外域中幾萬里歸來濯足滄江水抗膺孤睨層高堂放膽
論詩走餘子掃盡千家尊六家非阿非僻仍非夸遠同觀樂
吳季子自鄮以下譏無加風雅離騷逮樂府古義不亡僅如
纓壯哉六子相追攀氣高百代復元古流俗紛紛迷大方荆
榛久矣叢康莊君也大聲起排眾撲滅燭火升扶桑五嶽峻
嶮壓培塿天空雲淨挂箕斗碧海垂竿只六公才雄天假掣
鯨手與君談詩鍼芥投夢寐思從六子游褰裳拱揖層高座

信有江河萬古流

元日憶子章都門

丁卯

計吏先春赴

國門欣逢朝集

帝臨軒雲邊正闢

蒼龍闕

殿上方陳白虎尊

御苑鼓鐘連客舍天街鐙火送歸轅分符卽試栽花手桃李

陰成繞郭繁

漢北

擾擾潢池日募延白頭歎世總徒然斗東春色來天地漢北
烽塵接歲年率野縱橫惟虎兇當關勛望盡貂蟬營門夜宴
張鎧火鼓吹仍行白骨邊

寄旬甫

騷辨風流孰代興後來余子起峻嶒游心早越三千界放眼

眞高百萬層

自名所居
堂曰層高

筆陣鈇鋒驚射虎詞場鸞氣避呼鷹

相看尙作垂綸老空遣江湖鬢雪增

早春重憶麟伯

獻歲歸鞍滯大隄蓬山仙客悵羈栖

宸居極北瞻霄漢春色終南隔鼓鞳花底千觴孤意氣人閒

萬事一悲嘸五陵車馬知蕭瑟渺渺秦川落日西

積雨

積雨途多淖蓬門靜掩春可堪扶曳苦猶有亂離人節鉞連
營壘戈鋌偏漢津幾時兵得洗襪襖返郊畛

哀鄧伯昭

伯昭去歲自蜀歸行至黃牛峽舟覆溺焉

遠游誰不赴疆耗或疑非竟逐騎鯨去徒成化鶴歸懷沙甯
有怨躍劍忽同飛今古覆舟下伯夷休道稀

健筆揚忠烈篇多灑淚成

君集中誌傳表章忠烈之作居其大半

文章葬魚腹

朝暮泣猿聲

古詩三朝三暮黃牛如故卽黃牛峽也

出峽方當喜盤渦忽自驚

曾邀蒼水使一蹴怒灘平

爵帥左公奉

命總制三秦師次漢舉以書見邀泛舟往訪

賦詩奉呈卽以送行

華岳五千仞秦關百二雄威名高鎖鑰談笑走羌戎大將無
雙士書生不世功西陲兵待洗倚劍望崆峒

嶺嶠流妖孛

天書築將壇孤軍出湘水一鼓復臨安卷旆入閩靖殲渠羣
孽殘南溟震笳鼓萬里靜無瀾

奉

詔鎮三秦樓船過漢津霜戈肅關隴河鼓應星辰虎步知無
敵龍韜信有神山河還錦繡依舊五陵春

西土猶多難花門禍最深
狼烽何倏忽蛾賊更交侵
慷慨當關望艱危報

國心安邊貴方略制勝在淵襟

賤子昔鴻鵠將軍今鳳凰
猶能招揖客遽已奉離觴
軍食艱難會關河戰伐場
公知根本計拊背倚秦涼

歌送爵師左公總師入秦

書生奇略世無有起掇通侯印
如斗天下武夫盡關口南清
海徼仍西征壯哉風雲信非偶
憶昔同陪賓從游森森武庫
萬誰壽果然投袂應推轂

天子遂釋東南憂近者揚兵道
出楚折簡相邀侍尊俎帳下

犀甲環旌酒酣歎世淚如雨嗚乎隆平不可見四海生靈
困塗炭中原大半銅馬羣關西復有花門變天帝何爲殺運
開九州白骨委征戰殷憂啟

聖今其時豈比衰唐與季漢明公奮武爲鷹揚河山四塞古
金湯且須屯田大積穀根本旣壯支節強始如處女後霆擊
折垂可以笞戎羌長揖送公揮戈起乾坤瀕洞風塵裏茫茫
離合安足云翼戴要建匡時勳補天浴日明公在我自山中
老白雲

偈述二首

貂蟬盡道黑頭公奮起登壇震世功試上太行臨峻阪高車

駟馬誤英雄

顧影徒慚七尺身，猶思麾扇靖風塵。
白雲畱我還歸臥天壤，甯無雄傑人。

宮保左公以舊題孫芝房侍讀蒼筤谷圖七古見示次韻呈
宮保兼悼侍讀

玉樓人往誰能知，萬玉圖中煙雨滋。
當時題句獨公壯，雄略已負安攘規。
東南惜昔烽煙逼，公亦有山臥不得書生頗牧。
起登壇，江海澄清豁胸臆，偶然垂憶及田里。
飛到衡門書一紙，大將軍乃重揖客。
痛飲豪吟態猶是，河魁上將來衡湘西。
征調許虎與狼盡，銷刀劍返農耜手。
挈赤子還虞唐蒼筤故

人足嗟咨王生老大徒堪嗤
槁項深山大幸事世有雄俊
照顛危汎掃六合不用帚疾如
大風起吹垢淮陰縱下七十城
笑汝猶馳辨士口

次韻奉和左公九日龍游道中作

旌旗獵獵映秋陽令節重經戰
勝場貔虎從征皆奮躍豺羆
何地敢猖狂磨崖句健聲騰海
倚劍天空氣拂霜酌黃花
聊自慰馬蹏仍爲入關忙

又和崇安道中題壁二首卽次元韻

元式奉

詔靖關河海畔雲山攬轡過

北闕瞻天

恩顧重西陲拓地壯猷多機神早運攻心策慷慨仍揮返日
戈駐馬吟成羣斂手曹劉氣壓更如何

秦塞枕長河親提虎士過眼看烽燧接胸倚甲兵多柳拂金
城壘花迎玉帳戈羌戎與氏羯惕伏敢誰何

馬莪園協戎出其先徵君命之先生遺集屬題

去聖數千年脩學在貞志志如蟠木根冰雪不能悴邈焉配
三才豈不恃節義奈何曲學流臨危輒顛墜錚錚馬徵君抱
志獨宏毅希聖探微言屬詞吐真氣枉矢東南流皖臺甚鼎
沸奮身儒冠中厲劍起張幟養士酬

國家兼灑思親淚亦知力太孤熱血任塗地慷慨擲頭顱完
此忠孝事濶狂火燎原蹈犯竟無避馘賊雖未能誦讀要不
媿今看遺編中凜凜有生氣猶欲化長虹橫天掃烽燧

哀哉家門禍白刃罹嚴親殺身縱異地一致歸成仁時危節
義見屹然天柱伸遺孤甫穉弱巢破走荆榛日抱遺編泣護
持離劫塵兩閒義烈氣蟠結長輪因真宰有微意不使精光
淪遺孤遂奮迹文武兼經綸世德未有艾繼起爲偉人家集
願廣播傳之千萬春餘風激頑懦勃若蜚蟲振綱維在名教
鼓蕩亦何神足知正學力功與元氣均

漢皋營次感賦

百柱堂全集

卷二十五

七

漢皋新綠漸參差，過客當春有所思。
舊憶飛花催謔賞，今看細柳駐旌旗。
明珠翠羽空如掃，畫舫香車不可追。
歲歲只憂銅馬逼，急需羊杜任安危。

軍中作

營屯環漢北，士馬壯征西。
宿霧連旗捲，春星繞幄低。
將軍寬禮數，逸客許羈栖。
老矣無奇計，龍韜媿未攜。

卽事

出門只旬日，倏見百昌榮。
蘅杜芳如接，葡萄漲又生。
野欣春隴潤，人道楚邊清。
四海猶多難，何時議罷兵。

將歸畱呈宮保左公

上將招搖宿雄師太乙軍九天驚戰略萬馬蹴秦雲玉節安
邊望珣戈靖塞勛待公指揮就露布定先聞

感深

先帝遇擔荷不辭難掃穴櫬棺落扶天柱石安馳驅臣節壯
宵旰

主憂寬關右么麼輩遙知膽盡寒

元戎方鞠旅野客遂還山身事漁樵裏勛名霄漢閒升沈雖
迴判出處動相關天下安危計公無憚險艱

軍中雨夜

笳角聲相續中宵客自孤野雲棲薺麥江雨長蘼蕪浙瀝沾

旌旆倭遲滯轉輸遙憐關輔地卷甲急飛符

臨發再呈左公

倚界非常出

帝衷竄區深仗一匡功萬全籌略機神內大半河山節制中
顧盼安邊原壯志心肝奉

主只精忠潛夫傾耳聆飛捷蛾賊心驚草木風

題我園協戎詩卷卽送其入秦

家風忠烈世間無奮起騰驤汗血駒骨相早占飛食肉

天恩特錄羽林孤潢池寇盜銷烽火閩越山川熟陣圖裘帶

營門今甫接始知叔子是眞儒

英骨棱棱迴不羣風流名將雅能文篇雄氣敵高常侍年少
人驚霍冠軍搖筆更增橫掣壯揮鞭還策入關勛野夫倚權
滄江送朱鷺饒歌定早聞

行營觀教練騎卒

征西仗節駐元戎大閱春郊鐵騎雄笳作樂回千隊幟塵飛
蹴踏萬躡風龍媒絕塞權奇見蛇勢常山策應同猛氣無前
堪破陣威聲先已播關中

陪宮保公過飲喜桂亭都護營

轅門聯騎出晴郊金埒遙連草色交緩帶高談春命宴佩刀
分炙野行庖風隨燕尾生蘋末雲送鶯聲出柳梢下客最衰

慙不武未能抽箭試鳴骹

別青溪館海棠

昔歲臨歸花滿枝今歸又值海棠期猩紅浥露凝顰眼也解
含情怨別離

偕漁叟過江城別墅畱題

別墅者江夏袁蓮峰觀察所營當黃鶴樓址之後

高樓鶴化杳難攀游墅新開石磴閒亂定江山凭堞壯天晴
花柳送春還空嗟射獵將軍老但許圍碁太傅閒

謂蓮谷口

商巖隨處是何須高蹈出塵寰

歸舟泊沌口

五年兩度客諸侯重向江潭艤桂舟悵望邊亭烽北照

安漢新黃

銷沈人事水東流
離離沙岸花光發
剡剡郊原麥氣浮
正憶故園春色滿
歸帆日暮滯滄洲

鄂州與漁叟相見極驩旋卽錄別歸奉寄三首

袞袞登壇拜斯人
獨閉關鴻冥心自迴
鷺跼夢初閒
觀變文章老
憂時涕淚潛
空然遣懷抱
杯酒對江山

停雲經幾載
良晤復江城
老益尊觚興
春多鼓角聲
浩歌同激烈
狂態各縱橫
寇盜何時息
衰年厭甲兵

白社從君隱
青山伴我歸
波平江柳送
帆過岸花飛
龍劍驚初解
魚書報莫稀
孤尊醉春色
坐惜故人違

詩成

汀鷗驚纜起泥燕掠檣來草色疑薰透沙痕肖浪回詩成還
獨笑帙亂更頻開隱矣文焉用山林莫問才

南卒赴西征者艤艫蔽江而下

健兒西笑取封侯笳吹臨江發櫂謳幕府懸金明重賞戈船
擊楫下中流父兄僕射恩能浹戰守屯田事並修一鼓澄清
徧關隴河山依舊帝王州

一櫂

軍中公讌罷銜杯渺渺春波一櫂迴蕪約遠青浮隴合柳搖
晴綠過江來披衣捫蝨仍歸隱炙輠雕龍肯鬪才卻望鄉山
遙在眼蓬門初報百花開

補牢

不聞鷹搏擊竟遣虎縱橫雨漬沙場血風傳野哭聲商於通
楚塞冥阨接方城急備補牢計防邊益厲兵

白頭

宣武駐軍畱景略信陵枉騎迓侯生白頭未得酬知己匣裏
龍泉莫浪鳴

晚泊

墟落露沙尾榜人道可憺雲陰垂遠蕪送綠一江水

泊定雨作兵舫亦集

繫船當隋岸春浪急盤渦雨勢連江暗軍聲入夜多遙憐秦

父老願聽漢鏡歌有客顏年歎徒然槐枕戈
舟次漫興

東風吹白蘋夜雨過江濤湍急多施罟舟輕亦算縉衰年疲
道路

盛世樂沈淪今日

雲間側無言乏鳳麟

遲遲春日麗泛泛客舟歸沙水澹相適山雲眠不飛飄零搔
短髮次第減寒衣傳道江干信汙鷗日款飛

金口以西百餘里入嘉魚始見山

漫衍長洲詰屈過東來始得見嵯峨生平到眼憎凡品惟有

青山不厭多

逢窗偃臥

扁舟人事謝冥想役孤情帆自雲端下山從枕上生出塵惟
鷺羽破夢有鶯聲沿岸多離落天桃照眼明

有懷秋樵卓泉及枕泉

吾黨高才偏老成眼中二季及丁生不攀日下蒼龍闕但嘯
雲閒紫鳳聲年少簡編甘寂寞時危巖壑滯奇英蓬蒿徑沒
華求跡天末停雲寄我情

岸花盡開歸舟猶未得達

村村桃李間垂楊岸上風來不斷香寄語花開休造次莫令

羈客負年芳

書生

遨遊自笑一書生不慕麒麟閣上名
煙雨鷗波春泛櫂旌旗
虎帳夜談兵匡扶欲任當時局才略須歸命世英
且喜登壇
得人傑遙知調隴不難平

過赤壁

年少摧雄敵英風今尙揚白頭江上客低首避周郎

寄劉雲口

權奇吾黨士健者屬劉生苞羽將誰匹
蘭筋獨早成詞傾千斛壯筆落萬夫驚
待汝登東觀翱翔逐俊英

子放江陵權予回夏口舟高城隨霧隱春水接天流環佩
難迴金笳迴自愁寄言詢茂宰謂獻之司馬何日續賓游

野望

盎盎春無際東風送物華麥深堪隱雉柳密盡藏鴉
龍野縱橫雨篆沙小桃三兩樹掩映是誰家

中流

瞬息飛帆渡中流竟未知遙驚山轉近徐覺岸潛移
利涉時忠信從容失險巇本無元幹志何敢詡英姿

歸興

錄別羣公譙浮舟兩岸春靡蕪牽遠恨楊柳送歸人
傑士風

雲會空山磊落身陰符且高閣爛醉及芳辰

寄淵甫雲梅醉夫耀卿仲深

垂老滄江擊楫行征西幕下評論兵人言捫蝨無卿比自笑
屠龍枉技成天下風塵猶擾攘望中邱壑有豪英曾須痛飲
章臺畔狂態雄談莫遽驚

淮楚

淮楚軍皆勁今成盾與矛先鳴矜屢勝敵國起同舟兩虎徒
私闕長鯨轉逸囚願師靡藹事急赴

國家憂

歸自漢上

春好無風雨旋驪侍北堂倚閭經月望洗觥百花香邊警傳
甯謐慈顏悅壽康更憐諸稚子團聚樂無央

流光

自我初東下春鎧吹雪寒今來俄幾日鶯老百花闌物役徒
奔走流光孰控搏令名還自策金石共無刊

遠綠

萬柳參差合遠蕪揉藍潑黛費工夫東風吹送天涯綠可到
天涯盡處無

題吳子俊司馬詩卷

吳郎健筆怒蛟蟠草檄軍中日據鞍更有峻嶒肖詩格孤雲

兩角插天看

古詩云孤雲兩角去天一握孤雲兩角二山名在漢中郡境

清明擬渡江未發寄陸城諸子

巷陌悄悄裏嘯鶯亦未聞沙含經夜雨柳送渡江雲故里催
春色芳辰倚薄醺扁舟遲命楫登閣望諸君

宮保左公以師西定秦中賦此壯其行

西征初賦出車詩夾道楊花糝雪時秦塞貪狼芒盡斂唐家
回鶻運方衰胸中兵甲驚籌略天上將軍駭鼓旗三輔烽塵
今盡沈蒼龍飛瀑半空垂

繫船

過雨初移艇因風復繫船黃蒸雲覆野綠浸水圍天老倦羈

遊興春消道路邊
滔滔日東逝曾不駐芳年

不寐

春宵客 不眠時
楚塞秦關繫夢思
寇盜驕橫猶養禍
英豪奮拔尚瀕危
兵陳江漢形終弱
險據河山士亦飢
多難中興逢此日
潛郎只惜鬢毛衰

蘅蕪

蘅蕪連兩岸
冉冉綠雲多
水暖蟲爭渡
林香鳥聚歌
羈遊同棹泛
晚晚奈春何
稍喜農田潤
耕煙聚笠蓑

喜雨

宵來雷雨動萬井
起春耕躍鼉羣
相賀神龍不自名
干戈從

此洗倉庾亦將盈笑汝桔槔力空勞涓滴爭

河干種柳人

河干種柳人密密沿灘護今歲枝條生明歲綠陰布歲歲春
芳時飛花滿津路折贈遊子鞭送盡征人戍五月江水深七
月漢水怒雙流嚙其根蟠屈輒益固礫礪仍婆娑百蟲不能
蠹來往冶遊羣容華倏衰暮柳老春復榮人老迫霜露不見
種柳人青青柳如故俛仰霄壤閒電火孰能駐自非海上遊
誰覩冥靈樹

渡頭

楊柳依依覆渡頭清陰低護往來舟一壺幽綠無人惜傾作

連天碧玉流

舟中雷雨

壑畔田車日夕翻
垂天忽見黑雲奔
雷聲送雨當空疾
纔過南村又北村

波光

波光如此碧
但照鬢霜新
倦緒愁停酒
孤舟雨送春
交遊懷白社
消息問黃巾
幸此寬閒地
江湖少戰塵

畱滯

萋萋芳草外
迤邐帶煙渚
野暗綠無縫
汀回雲更深
悲歌消壯氣
畱滯損春心
已是紅芳謝
何堪風雨侵

舟前看驟雨

滑笏春流淨誰傾萬斛珠聲來初覺驟泡起疾看無風定眠隄柳雲深合渚蒲老農欣雨足叱犢向煙蕪

漢皋營次曙曉峰觀察別後奉寄

繡衣使者駐前旌邂逅相過細柳營照眼貂蟬皆震俗捫胸龍豹獨論兵滔滔逝水分卽漢杳杳孤帆向郢荆太息無人詢頗牧楚邊寇騎劇縱橫

村居

僻地村居花事稀林間都挂薜蘿衣鶉鳩雨歇初聞喚蛺蝶春深未見飛處處煙波供嘯傲年年舟楫負芳菲玉津梓澤

休誇麗回首俄成景物非

湖舟曉望

朝霞扶旭日光采射林垆波際全成紫煙中不斷青菁英供
吐納朗澈印心靈顧視層淵底魚龍夢未醒

舟行一滯

風定雲無定春歸寒未歸溶溶波縠細漠漠雨絲微鳥語閒
相喚口眼倦不消消宮猶信宿尙惜故人違

舟次書懷

望裏猶難達浩宮舟行日日滯西風雲痕低閣青燕外雨勢
斜穿白日中羈旅光陰虛淑景江湖流浪困英雄向來綵筆

千霄漢吐氣空成十丈虹

曉渡長湖

朝暉初射曉雲邊
迤邐羣岡秀色連
萬木葱蘢森夏氣
一帆空曠劃湖天
霸圖莘氏今安在
僞冢高家亦可憐
螻蟻侯王慨同盡
何如沙上白鷗眠

百柱堂全集卷二十六

丁卯

戊辰

己巳

監利王柏心子壽著

題周瑋畫龍

黑雲倒壓馮夷宮萬水直立垂當空霹靂猛雨翻狂風中有
九淵躍出之飛龍虛堂縮首避驚雷諦視蜿蜒在正練嵩山
周生最有名解衣潑墨何神變昔時張僧繇畫壁見者懼矜
惜不點睛點睛輒飛去周生汝技亦雄奇閃爍鱗爪光迷離
世間葉公恐不少反走道是天龍窺深山大澤氣雄厚屈蟠
神物信非偶尋常蠓蚋莫相嘲尺木靈珠汝何有偉哉龍德
乘至陽利見文明天下昌非遊河中負圖籙卽爲霖雨膏萬

方小如蠶蠅大千里變化已知窮畫史自非英豪孰能比古
來出處伊呂間草廬有人臥方起

奉題朱人香先生花陰補讀書圖

博士窮年侈挾策梯榮不過望通籍大賢力學殊陋儒仰紹
夔龍慕旦奭昔公早讀東觀書起操玉尺垂高車偶然作圖
志補讀甯同涉獵箋蟲魚出處升沈了不異忠孝生平惟一
致陳編誦作金石聲望古超然有深意家世眞傳韋相經兒
曹麗藻揆天庭人言小鳳起丹穴芸館追隨奕葉馨鐵簫樓
下風花舞辭榮十載笙詩補誰料江干銅馬羣燔書烈過嬴
秦炬老臣望

闕悲迢遙喜值

冲聖如唐堯

鶴書下隴眷耆舊展軔北首仍歸

朝輶軒復照皖江水報

國徧進東南士入輔行膺

特詔還豈顧兔園舊冊子丹青元化資神工補袞從容盡待
公啓沃但須符說命更陳無逸進幽風

禪定上人寫龍山落帽圖於扇持以索題

宣武昔高會龍山盛賓筵寮佐盡才彥狂者孟萬年醉中偶
落帽起舞仍僊僊乘酣答嘲掇抽思如湧泉元子覬晉鼎高

南軒先生集卷二十一
氣超八埏參軍縱誕傲睨杯勺前姦雄爲氣折翻賞醉後
篇風流四座首勝事千載傳吾師擅繪事神到秋毫巖懷古
偶託此逸興殊陶然本結白蓮社豈參米汁禪茲山僅彈丸
林壑空漫延但可詡觴咏未足窮幽妍聞師欲返蜀頻問巴
江船仙山萃蜀國石棧相鈎連峨眉最傑出雄秀西南天歸
當隣絕頂跌坐窮冥筌此中有畫本縱筆生雲煙

以鯊魚餉漁叟蒙賦詩見謝依韻奉答

新篇南食補裁詩命箸還能騁妙思海上釣鼈心久壯蓬山
斫鱸興原奇波間變化仍畱蛻眼底人才只相皮漫謂五侯
鯖最美紛紛彈鋏詎堪知

不道枯魚可換詩羌無故實運精思食單媿我山廚陋鼎味
充君海錯奇消息可傳雙鯉腹功名大笑五羊皮故應獨展
屠鯨手鮓菜貧家未許知

傅昌岩畫龍爲李竹心孝廉題

南郡入夏久憂旱驕陽偏人萬事嬾忽驚漲空雲滿天中有
神物下窺館森然頭角排窗楹破壁風雷如有聲細觀乃是
畫史作淋漓墨瀋疑天成畫史八十擅遊藝君家藏此歷三
世有時張之齋壁間斗覺晴窗起陰翳我聞秩祀雲龍星乘
時行雨稱最靈功名善世在不伐倏忽變化還杳冥方今焦
禾徧田野九州未賦洗兵馬滂沱之職龍所司何不一起雨

天下八紘蕩滌無烽塵簫鼓報賽迎送神俄頃蟠屈如常鱗
留侯鄴侯師汝智超然無欲誰能馴

鄂生太守得漢銅鉤見貽

是有文曰長年大富

祖龍祈長生方士待浮邱向氏問大富反用盜術求大迷不
復悟陷此長夜幽吉語獨兼采伊誰造此鉤唐子遠貽我意
欲符箕疇我衰去健羨無榮亦無憂金丹既不學障簾誠所
羞願持壽與富變作恆河流往來盡挹注一豁人閒愁結我
居士帶服之俾不郵亦不慕鉤曲諧世取封侯

江漲

隄決江陵南岸

只道成焦涸誰知是水祥一源驚壯疾孤走肆懷襄牛馬隨

波下蛟鼉裂地狂，
廝渠何不悟，但解事宣防。

祿食

五行誰實汨二氣最多愆，
炎鬱成秋令，江湖溢旱年。
九州疲，權算百郡困，
戈鋌祿食宜憂國，能無封事傳。

答仲閣

交遊亂後晨星少，
兵火天涯舊雨來。
豈意衰年猶擾攘，
相看壯志久摧隤。
還山安得巢由福，
命世誰當管葛才。
莽莽蟲沙隨浩劫，
豈堪回首戰場哀。

聞晉警

函潼駐田乃虛壁，
不見一人起荷戟。
赤眉長驅萬馬來，
京兆

扶風盡荆棘左掠馮翊瞰蒲州烽煙已偃鶴雀樓龍門隔岸
絕無成投鞭遂斷黃河流賊酋浮馬笑且歌縱有天險奈汝
何吁嗟孰謀國肉食無乃多君不見秦無關晉無河

石門觀鷺圖爲李子霞城題

長江莽莽向東注轂轉盤渦虎眼怒戲遊白浪摩青天風標
獨有沙邊鷺李君此際真忘機目送寥空一鷺飛超然遠想
若有會此意風塵知者稀君不見雲鵬壯作天池遊黃鵠遠
飲滄溟流長颺大翮兩難遇員嶠方壺安可求紛紛鷗鷺與
鷓鴣亦有鷓鴣滿煙汀可憐此曹最充斥自矜餐啄徒腐腥
豈如浴鷺最高潔毛羽臨波皎霜雪不隨雞鶩共呼羣肯與

烏鳶競饕餮君今矯首霄漢長何不拂羽乘風翔直向紫庭
陪振鷺九天鸞鷟接班行

送寇石筠

本城

孝廉還黔

吾衰短髮空髭髻搏麋射熊皆未能叩門何來氣英岸突見
奇士如秋鷹賢兄已冠楚萊籍君也豪壓金臺客春卿被放
銜恤歸炎天峽漲歸帆隔黔陽遙在西南天千山萬山烽火
延死生親舊不可問荆棘蔽盡桑麻田故鄉亂離嗟莫救萬
國未息豺狼鬪悲來欲言未遽言懷書難徹天門奏蜃霧噓
同閭闔高珍木往往巢鷗梟麟藏鳳匿神羊避日暮燕雀爭
喧囂崑邱源濁徧九州壯士不得回東流觀君論著每發憤

韓非賈誼眞其儔君歸勿久臥田里薦疏會達延恩匭君不見神鋒騰躍終有時夜夜虎氣衝天起

將赴漢陽寄耀卿

日日章華憶故人麻衣念汝獨傷神江湖蘆荻搖秋思風雨蒿蓁泣鮮民良晤茫茫行隔歲離心落落實更蕭晨扁舟沔鄂方東下天末題書莫厭頻

杞菊

秋序已云暮秋風竟夜囂疾驅寒潦涸橫獵眾芳凋鷹隼飛何厲龍蛇蟄不驕故山容我臥杞菊况兼饒

萬里游蹤圖爲句甫題

甘英行盡西海頭未覩南北東海流何況槁項腐臚下增井
無殊鼃黽遊壯哉短策走萬里胸中盡是好山水豪吟自命
飛仙人往往名公競倒屣昔聞龍門太史公南遊江淮西陸
峒書成五十萬餘字疏宕獨負文章雄豈無風塵走牛馬汨
沒何限悠悠者空涉海角窮天涯登高能賦才何寡君不見
沙陽生浩蕩竟逐鴻濛征鞭撻風騷壯筆陣掀翻海嶽驅心
兵頭顱賊斫亦不死豪情直挾雲車起忽然歸臥層高樓放
眼千秋眇餘子往者氣超鸞鵠羣今來欲學宗少文咄哉卷
舒世誰測矯矯天際浮高雲

泊東江腦夜大風雨

日暮回帆急宵來風雨狂千鯨搖地軸萬馬蹴沙場漏密衾
都渥更沈野最荒洪波秋未斂垂老尙江鄉

金口維舟

踏槐如昨日

昔年秋試每
停舟於此

泛梗又秋風烽火無完市江湖有

長翁連山雲尙羈吞野潦猶雄蕭瑟蘆碕外沾襟獨慙忠

悼故

唐
廉使

渡江

日華初射彩霞邊客有凌波歎渺然萬里千檣分繞郡雙流
十月漲浮天轉輸未息誅求急災沴猶驚氣數偏縹緲高樓
成浩叔何心更問十洲仙

何雲眈年丈招飲看菊并蒙枉顧賦詩以謝

花原稱壽客天亦駐長年江國春方小冬心老益堅忝登文
舉座叨侍武公筵顧見亭亭影參差伴僊僊

奇骨富精神天生此異人豪吟驚少俊壯志斂經綸愛士傾
觴數看花寄賞新誰能當晚歲色養有名臣

雄文裂金石出示所撰張殿臣軍門行畧飛辨走雷霆復枉高軒過還驚

紫氣停自知挾杯勺焉敢測滄溟盛事江城播喧傳見歲星

歌贈汪子韻和

楚天已掃烽煙惡太息楚才猶落落後來健者得汪君所嗟
身世尚漂泊曩歲訪我山之中今來復見滄江東稍聞貧病

轉益甚賣藥頗與韓康同十載長吟不能已憂來淚挽天河
洗手持吟編遠見投我昨讀之短檠底天風破空霜氣高鼃
擲鯨呿熊虎號欵然萬籟訝迸發起與詩筆爭雄鰲腹中五
色森琅玕有策不叩青雲端詩篇縱意一傾吐突作紙上蛟
龍蟠君不見丈夫變化風雲生徒步可以登公卿嚴徐書上
輒召見拔擢豈異升天行吁嗟汪君獨不遇白石高歌時欲
暮將無造化秘精靈奇句或干鬼神怒君言富貴非吾期亦
不願與貧賤辭我吟調苦不自覺杜陵懷抱眞吾師千年大
雅未榛塞志士猶能念

君國草澤寥寥忠愛心嗚呼此意無人識

楚炬

紀十月二十五日鄂城火藥局之變且志儆也

巨礮乃攻器戰野無所施攻器作守具抱火翻自糜捐金購
番藥利器矜絕奇日引蜚鱷族口講曾不疲儲胥侈軍實山
積何纍纍歛然毒焰熾地軸驚傾移青天走霹靂百萬豐隆
椎不曾震虎豹摧彼昆陽師楚炬縱焦土只以燔瘠痍哀哉
鄂城內數里無完尸化爲煙與埃魂魄亦無遺殺機慟酷烈
伏禍始烏夷師仿久不戢禍必自中之沾沾任淺智造謀者
爲誰干城自有策安川奇技爲

永康胡氏七烈歌

大興磅礴天穹窿萬古不墜綱常功壯哉七烈共指柱一門

奮起爲鬼雄櫟槍照地走驅虎東南決裂無完土七烈先後
搜其鋒肉血濺作飛空雨顏氏死事常山多青史書之今不
磨永康之胡有七烈姓名千載同鬼殺况有巾幗亦效死不
辭委體沈清波嗚呼濁氛蔽天地亂賊干常敢無忌射潮回
日難爲功忠孝安能弁髦棄七烈捐軀何有哉柱維自此無
傾墮顛沛大節竟不限力逾鼈脊承蓬萊凶渠數盡終天亡
褒卹詔下何煌煌九原追隨足歡慰一一箕尾爭光芒同時
推作忠義首功與廊清同不朽悲風中夜從天來我歌七烈
聲撼闕碧血猶漲天台霞或化七星貫北斗

奉送曾沅圃宮保謝病還湘鄉

養疴

優詔暫還鄉豈慕神仙託子房
姓氏雲臺猶震爍湖山畫錦
盡輝光閒尋服食青霞訣靜
斂經綸綠野堂早晚卽承

徵召起肯令王剪老頻陽

擣天七十二芙蓉下有湘流繞
碧重間氣英雄能汗馬一門
兄弟總人龍棣華均耀千秋
烈茅土同膺五等崇小耿威
名如大耿手提江表入

堯封

誰測英賢物外襟卷舒遙指白
雲岑鳳鸞毛羽回翔迴龍虎
山林變化深機息暫藏三略
術功高不動五湖心扶天柱
石

還相倚芝草琅玕且漫尋

階前盈尺許揚眉開府風流綏帶時脫屣原非輕事業還山

猶是繫安危圖書東壁欣初啓

新置崇文書局廣刊經籍以惠士林

旌節南樓

悵已移揖客後來方捧袂渚鴻江上有餘思

鄂城冬仲望夜乘月訪何芝亭觀察

客思浩無端駸駸已晏羈館江城中霜天月如霰忽念豪
俊人離居久不見翟公羅雀門寥落罷賓讌乘月走訪之意
氣接雄彥更析促以繁未覺深談倦飛沈亦何常榮落在轉
眄惟有月華明不受浮雲變夫子剛者流忤俗得疏慢落落
抱古心放懷遣憂患天際有冥鴻徒勞弋人篡

晴川閣讌集

高憑傑閣俯崔嵬
楚甸雄風自壯哉
擾擾氛塵殘壘盡
茫茫開闢大江來
蜀吳津走千帆集
沔鄂山蟠二郡回
勝會題襟猶似昔
興酣落日更銜杯

滔滔江漢壯通津
鴻鴈偏嗟澤國民
衰謝久無經世略
懷襄安得障川人
暮年文字猶堪役
勝地歌吟若有神
不見昔時詞賦客
芳洲傲骨久成塵

過大軍山

茲嶺鬱容巖
雄蹲氣不驕
壓江沈黛色
倚日卓金標
僧輟斜陽梵
人歸谷口樵
亦知行役倦
雲嶽若爲招

歸舟

乍散題襟會歸舟喜得風帆懸疑卓立沙迴望連空灘靜多
閒鷺天高少塞鴻遠山浮數點明滅夕陽中

至日抵家

老尚諸侯客文章詎療貧猶欣長至節得作遠歸人雲擁松
蘿翠天回竹柏春倚閭寬望眼笑語慰慈親

答易孝雲

翩翩才調一書生慷慨曾爲五嶺行氣挾少年能渡海心憂
炎瘴未銷兵歸來抱璞仍長歎夢裏飛帆尙遠征舊是韓蘇
遊詠地起揮吟管鬪崢嶸

歲暮柴門欲雪天蓬蒿三徑久蕭然

朝廷不問山林客老大猶傷戰伐年遠憶賓朋搔短髮深勞
慰藉寵新篇滄江側聽霜鴻過藉汝南征達報牋

古詩二首贈黃生耀廷

良輝

翺飛萬羽族見此孤鳳凰天生九苞采五色爲文章振翮必
千仞一鳴中歸昌百鳥愕且媿相與革其阮自從岐周來下
逮漢與唐此鳥久不至戢翼丹山藏萬象欲閤汶樂府無宮
商孰知邂逅際觀此希世祥我乃重此鳥羽儀邦家光誰其
拜表獻致之阿閣傍

昔我駕車出北上黃金臺風雲何莽蒼寥落復歸來世事若

網解宴安俄召災弄兵起赤子白骨邱山堆中夜每太息空
悲年力頽節鉞鬱相望撥亂何人哉昨者見吾子蘊蓄誠雄
恢隱然負國器被褐猶塵埃願言擴遠略經綸應雲雷文字
不足役汨沒徒堪哀縱然儼楊馬詎當公輔才

元夕

戊辰

山市逢元夕家家靜掩扉縱虛鐙火競猶喜鼓鼙稀野鷺寒
俱宿征鴻暮尚飛短檠殊吐燄獨自闕光輝

傳經圖爲金厚齋參軍題

二龍山翠合下映石塘源數百年喬木巍然通德門趨庭承
世業探笈奉微言一綫仁山緒猶傳宋學尊

參軍爲
仁山齋

年少辭環堵，傷心喪亂多。
請纓滯吳越，仗劍走嵩河。
忼慨元瑜檄，悲涼越石歌。
故山屢回首，惆悵舊煙蘿。

陋巷叨相訪，高談縱酒杯。
兵戈滿畿輔，英傑困塵埃。
多難匡扶會，危時將相才。
通經當致用，望子奮雲雷。

幽居

萬國朝正集，俄驚燧火傳。
守關增校尉，候騎逼甘泉。
閭闔宸居壯，雲霄井鉞懸。

皇威收涿鹿，猶是洗兵年。

天設黃河險，崢嶸表太行。
鯨奔成決裂，虎落失周防。
慷慨援誰赴，吁嗟燎更揚。
忍令蹶踵接，吹角

帝城傍

擾擾探丸起耽耽互市驕能無窺螭蚌猶恐化鴟鴞郭李空
追溯溫陶久寂寥諸公尙憂

國疾滯惡氛銷

抱影繩樞士幽居物候新關河猶苦戰花柳但知春濁酒難
謀醉悲歌動嚮晨雨中消息斷未見北來人

三輔

纔聞海岱收奇捷俄報幽燕有急兵元老定先方叔旆將軍
須屬亞夫營八關形勢當能控三輔安危未可輕翼戴諸侯
宜入衛揮戈一戰掃欃槍

題秦澹如年丈所藏西湖蘇祠圖

祠在孤山之麓嘉慶間

官杭嘉湖道時築也繪有圖卷名流題句爲多同治間祠經賊燬圖亦遺失未幾澹如觀察持節來杭祠適重新圖亦復還因徵詩焉

峨眉謫下飛仙人奎宿光射西湖濱百千惇不足憚一祠
存滅猶微塵梁谿司寇文章伯曾貌蘇祠入圖冊自從祠燬
圖亦亡劍化延津總堪惜世閒萬事如波瀾再世持節來臨
安使君拊掌忽大笑祠與蘇圖還舊觀我識使君在日下承
平無事盛風雅別來枉矢縱橫流從此九州嘶戰馬錢塘江
上多怒鯨掉尾勢可撼堅城南來將卒最敢戰一鼓吳越皆
澄清使君承家泣浙水廟貌丹青符仰止昔公政事亦過人

南軒先生全集 卷二十一
浚井築隄績尤偉遺愛流傳良足師還期兵後起瘡痍湖山
文字猶餘事功在杭人百世思

薛慰農同年以紀寧圖冊徵題

鯉對猶前日駒光若逝波兒童悲已老弓冶邈如何不復承
喬木長令廢蓼莪遺書隨浩劫手澤况銷磨

椿庭侍讀

人道三張出君家好弟兄珠聯龍虎榜星聚鳳凰城儒鐸嗟
乖阻仙槎隔死生連牀憶他日怙悵不勝情

棣萼談經

傳經長自憶曾下董生帷五鹿猶堪折三鱣且末期列居方
似市問字每多奇漫詡專城守何如一卷師

滁山村塾

秋到秦淮水天香屢共攀一門七才子雙屐六朝山慘淡烽

煙變悲涼戰血殷諸昆凋強半存者亦蒼顏

秦淮秋水

棠棣枝間萼芙蓉鏡下人車連朝士軫衣染

帝京塵捧檄趨南國登樓望

北辰軟紅思再踏回首倍沾巾

燕市紅塵

來往飛鳧地鴛湖直是家只知馴雉雉誰料穴長蛇萬室無
機杼千村盡鼓笳何時迎竹馬賣劍事桑麻

鴛湖春夢

三年成旅客五老映鄱湖夢醒仍愁虎星稀但繞烏楚吳連
戰鼓江海走軍符閩闔猶難謁迢迢憶

帝都

章門戢影

短衣旋奉

詔並海起從戎盡變書生氣翻成烈士風龍韜高戰略虎帳
得文雄報

國平生志還收汗馬功

滬濱從軍

答贈金爽亭茂才

一家文藻冠西清君獨麒麟地上行獻賦不逢楊得意談經
猶滯魯諸生崎嶇關塞嗟羈旅涕淚鄉園苦甲兵可作達夫
同晚遇東川節度播詩名

子章放舟道爲風雨所滯詩以寄之

汀洲鐵鹿滯連檣萬里遙空少鴈翔日日惡風吹急雨坐看
九派下潯陽

積雨聞雷

積陰猶未解天上走豐隆一綫扶陽出重圍破敵同遙聞畿甸警應待版泉功翹首

皇威奮氛銷震疊中

靈修

雨雪風雷競未休難將朕兆叩靈修不知息壤誰潛盜只訝滄江欲倒流鶯燕銷沈虛淑景龍蛇出沒關神州曾聞占候銷災異翼奉京房未可求

舟次清明

春來積雨始逢晴弱柳青絲翦乍成三五小桃紅照眼助人

川上作清明

帘外笙歌燕市酒林間車馬杜陵花祇今何處尋遊冶腸斷
東風日暮笳

題湖上斷岡

鷺虬避神劍脫走入湖心湍激霆常鬪風生晝忽陰蓬萊疑
失股塵世合投簪結宅容招隱吾將約向禽

鄰樹

幾日看鄰樹蔚然眾綠歸不知春又晚偏與客相依偃蓋高
凌漢清陰遠透扉年年蔥鬱裏獨悵鬢毛稀

茵盤行

南郡講舍階下舊有梨半枯矣姚徵君櫟府之太
息云欲作病梨賦未果歲久伐去根下作茵蓓蕾連

卷土色斑斕如盤盂者然
劉取登諸几案遂賦是篇

昔見病梨倚階下花開晴雪亂飄瓦
楞寮詩叟獨咨嗟攬葉
攀條淚盈把斧斤鹵莽伊何人百尺偃蹇摧爲薪
枯根泥爛
歲且久豈有槎櫟能回春風和土潤暄朝陽鬱勃蒸藹環其
旁糾結連蜷負苔蘚雷回金錯流霞光老夫拄杖偶見此長
鑱刷取置諸几蜚蠊走勢驚龍虬三尺盤盂宛相似從來朽
腐藏神奇敗枿或擢金光芝兩漢之季本先撥南陽西蜀仍
開基髡鯨囚虜起將相英傑終有騰驤時
茵兮汝勿悵枯槁
楞寮秋墳亦宿草拂拭爲汝慶遭逢坐有尊鼎且傾倒客來
叩戶爭傳觀愛惜不異青琅玕夜深光怪動雲氣猶敵中天

承露盤

移居薊園

久息東南警幽人返故居未堪耕隴畝只可雜樵漁谷口甘
淪跡河汾輟獻書山中何最樂花下奉潘輿

往事何堪憶烽煙雜鼓鼙林荒散猿鳥江闊穴鯨鯢殘壘今
何在安巢故可棲靜思戡定力血戰倚湘西

繞宅他何有高槐二百年五朝酣雨露孤蓋竦江天尙惜圖
書燼空思花竹妍攀蘿重補葺泉石總依然

台號愚公谷難誇輞水莊聲名都自厭邱壑未能忘老性宜
疏豁高陵出莽蒼不知車馬客何事道途旁

檻外長江勢渾疑地軸搖西浮吞豔頤東漲汨金焦沅澧重
湖匯滄溟日夜朝胸中九雲夢對此忽全消

返照多奇麗升岡步履攀雲霞滿天綺金碧隔江山澄渚羣
鷗戲寥空一鳥還粉圖誰著筆此手待荆關

幽興洽槃阿扶藜起放歌軒窗宿雲霧枕席挂星河徑任蓬
蒿掩牆緣薜荔多偶然田父至秔稻問如何

岸幘山齋坐脩然暑氣清雨收孤霓入聲影風送萬蟬聲隋

石湍流沒遙帆樹隙明此時心獨遠飛鳥與遐征

弋釣兒時熟煙霞物外親自從歸栗里不復慕蒲輪放浪非
嘉遯逍遙有外臣尙堪陪擊壤長作頌堯民

盜起連西北煙塵且未開九門多壁壘三輔半蒿萊身老尤
思治時危但倚才無爲獨嗟嘆將相在雲臺

鑒心亭烈婦詩

亭在河州城東明崇禎時烈婦抗流賊見殺於此逸其姓氏

河有鑒心亭乃以烈婦名烈婦事閱三百載行人過者悲風
生請君勿用悲紅顏斷頸甘如飴高天厚地有翻覆生民大
義安可虧州乘載其事凜凜有生氣亭亦遂不傾名亦遂不
墜烈婦無妨姓氏闕椒蘭馥郁未消歇亭前何物能鑒心下
有清流上明月

白海仙太守卒於興化賦詩輓之

書生投筆氣嶙峋文武兼資迥絕人盡道過都馳騁裏俄驚

高冢臥麒麟海邦爭紀循良傳物望先摧岳牧臣遺愛故應
如叔子年年淚墮部中民

一別分飛萬里餘遙聞噩耗只疑虛先時早沒延津劍隔歲
猶傳海嶠書遠道風塵仍格鬪故人奇傑半凋疏焚枝煎桂
嗟何促楚老臨江淚滿裾

題海仙去歲興化來書

去年海上附雙魚望裏停雲感索居今日招魂方散篋傷心
未答秣陵書

文武翁歸有異才年凋終賈最堪哀專城直爲櫟亭荔千騎
閩天渡海來

百柱堂全集

卷二十六

太

忽作鵬搏奮九天歸來化鶴亦超然
匆匆五馬今何往一笑

蓉城海上仙

君字海仙官海上
辛海上意其識歟

輓劉琪峯大令

殉難神木

只道貧方仕誰知死入秦
乘城猶舊令抗節乃貞臣
慘澹留鵑血

褒榮下

鳳輪幾時丹旆發歸骨楚江濱

山園晚眺

雲際雷聲隱在東
炎威頓掃快長風
斜陽欲落未能落
截雨雙垂五采虹

輓湘秋

援旗親斫賊頭顱

咸豐癸丑事

近謂年來壯氣無坎壈纏身兼苦

病窮愁煎骨遂成枯誅茅尙乏三閒宅種秫難營二頃租有
母白頭兒穉齒空然齋恨赴泉途

陸城英俊散如雲王

意劬沈浴吾

凋零復到君浮世流光同

隙景少年詞客半秋墳奇琛共惜琳瑯選壯志空乖竹帛勲
七澤薔蘭漸搖落惟餘楚老泣斜曛

立秋作

玉繩斜挂絳河流金虎旋移素節道風露九天將散暑江湖
一氣並迎秋宮姬拊扇含新怨戍婦鳴砧動遠愁獨有淮南

賦招隱小山桂樹好淹留

寄雯山隨州

年少才人滯遠遊平林羈思動清秋
蕭條榛蔓迷軍壘蒼莽山河帶豫州
班掾著書還自慰袁生詠史更誰酬
迢迢尺素何時達淦水東連漢水流

夜坐

既涼殊自適秋氣入閒庭窈窕山銜月
參差樹挂星村舂催比屋江柝聚回汀
絡緯誰相促宵深自不停

得卣歌爲彭漁叟觀察賦

望氣斗牛掘雙劍躍波終化神龍變
豈如茲卣重連城投闇

呈奇能自薦我友起唱得寶歌土花拭盡重摩挲樂大司徒
作旅自勒銘籀史文無訛疏證在背八分補按圖早入宣和
譜縱然追琢出重摹已閱流傳千歲古天水九鼎淪燕山擅
車獵碣皆不還此自何年獨入楚白珩下璞安能攀粵稽茲
器薦鬱鬱裸獻廟中答靈貺亦閭圭瓚錫功臣宗彝獨冠尊
簪于方今天子朝明堂露布新傳海岱旁祖鬯彤弓賚將
帥展畎虎拜威發揚此自之出應國瑞可但祥徵一家異何
當獻之 閭闔門 告廟策助助飲至堯尊舜甕陳赤墀甘
露如醴卿雲垂上殿彭鏗起樹雉鴻名 陛下無窮期
惜齋雅集圖爲羅少村公子題

悟齋主人佳公子先世忠貞照青史年少飄零經百憂轉側

攜家鄂城裏鄂城多暇足清遊黔客初來顧虎頭

謂傅虎生孝廉偶

然羈館作高會座有親懿兼英流明星當筵挂三五風獵梧

桐響疏雨清歌哀竹醉起舞盤礴解衣圖客主吾儕聚散皆

蓬科茫茫泥爪天涯多他日丹青更回首諸公惆悵當云何

男兒意氣重英特長與金石無銷泐雲臺麟閣高崢嶸千載

姓名誰不識君不見三齊劇盜雖投首隴右滇池亂已久大

河近決榮澤南淇園萬竹嗟何有仗鉞持籌誰最優銷患防

微豈宜後 聖明猶未輟憂勤俊傑焉能厭奔走公子骯髒

何爲哉騰驤卽見風雲開老夫高歌起相屬莫負翻風跋浪

才

自金口放舟東下

自有鴻濛起長江
塹早成銷沈幾豪傑
襟帶兩雄城
廣澤秋風厲中流
客感生但須羊杜
略坐鎮得威名

露布

玉帳嚴催陣
瑠戈急奏勛
三殲符死地

粵逆與捻賊北犯三皆殲於高唐

九

土淨妖氛懋賞

天書下先秋露布開

宵衣益圖治誰

道輟憂勤

江行見秋潦歎之

龍鼉巢大壑
蛙黷沸中田
豈意秋逾半
仍驚潦接天
氛塵都

已淨災沴亦何偏近報黃流決淮揚盡渺然

晚泊嘉魚城中

晚泊依荒縣茫然汀渚平鼉更喧水府漁火接山城玉露涓涓下金風瑟瑟鳴楸梧與葭莢併力作秋聲

嘉魚曉發

南山雞應北山雞江自東流客自西月落抽帆破煙水城烏驚向曉雲嘶

乘風自沙陽內港達大江

直訝浮舟碣石東何來島嶼冠鼉雄人家樓閣秋雲上磴道楓杉雨氣中七澤茫茫難問渡孤帆渺渺但乘風衰年詎任

商家楫愿險猶收利涉功

九日大風雨

重岡繞宅望崢嶸泥滑山深未可行捲地波濤浮澤氣破空
風雨戰商聲堪嗟楚豫多沈陸盡道燕齊早罷兵倚伏萬端
難逆料愁霖調苦不勝情

寄題漢陽歸元寺

剎借煙波隱扉依薜荔成水風舞山葉谷籟雜鐘聲白馬經
仍聚紅羊劫已更一峰如鷲嶺林表有餘清

寺後一峰迥出林表可以眺遠

九日寄漁叟

江上相望悵若何孤樽令節惜蹉跎遙知巷陌嗟黃潦誰與

登臨發嘯歌。域野風聲號。虎豹浮天澤。氣鼓龍鼉。悲來忽覺
無端緒。欲比騷人九辨多。

愁霖

蒼茫秋氣深。洪潦復愁霖。菱芡餘糧少。瓜壺晚實沈。已聞騰
凱唱。仍未測天心。日夕金飈厲。層雲不散陰。
到門稀笠屐。亦少鷺鷥羣。苔滑巖扉雨。蘿寒石壁雲。鴻噉宵
更苦。鼃沸曉猶聞。三徑殊荒寂。東籬未吐芬。

方子存之刻其師方植之先生所著大意尊聞并徵題詞

昭代際 純廟中天奎壁光。儒林用馬鄭章句窮微茫。尊漢
遂抑宋肆論輕詆傷。辨慧逞奧博和者成濫觴。小言破大義

歧路多亡羊同時有方子崑然峻其防濂洛暨關關時步從
康莊內聖外王道擇精語必詳砥礪在暗室節行明於霜所
惜老韋布內蘊徒斂藏賴其砥礪力獨障頽波狂達人既下
世著書多散亡弟子抱遺帙脫走烽火場尊聞得一卷剞劂
爲表章徵題及賤子構昧謝未遑深觀所立論仁義爲其綱
身心及倫物踐履爲周行如衣有布帛如食有稻粱奈何眾
不悟曲徑迷大方沾沾溺躋駁異說遂鼓簧大道并荆榛干
戈乃披猖今欣治機轉尤冀正學昌開編仰先正景行意何
長來者倘希望萬世猶津梁

題唐魯泉大令遺編

百里雖微大義存孤臣敢負 國家恩權輕未許終殲賊志
定何難竟喪元遺愛追思猶涕淚名儒正學有淵源英靈磅
礪今長在莫向江濤恨暗吞

絕筆家書血淚潛持篙上水不辭艱

用卷中贈友詩語

談經論道猶

平日詈賊捐軀直等閒忠孝完人真有數雲霄浩氣自能還
遺編不用悲零落已是高名重太山

聞鄂生廉訪將兵定黔亂師行數月已復郡縣過半黔禍期
歲可弭矣喜賦一詩寄之

赤子黔荒盜弄兵今年初喜將星明師行郡邑如時雨民望
旌旗卽再生反側來威趨隨畝從容學道處功名武鄉新建

皆儒者先後均推命世英

演性一首次和妙公

至人超劫謝塵緣性體中涵卽是天光類蟾蜍恆不滅力饒
龍象也難牽但除忠孝皆身外若認榮華只眼前梵業俱示
齊努力靈臺長護智珠圓

戊辰初冬獨遊高安之青溪寺僧月潭暨溪上周亮臣鳳山
兩茂才相畱甚殷閱三日楊子庚垣復來會於山中巖壑
之勝探陟殆徧遂偕庚垣聯車而返賦詩紀事

頻年困牽率物役勞吾生浩然思獨往避俗無將迎冲襟值
元對五內發誓英高安有中岳夙企青溪名元冬戒徒御意

決遂孤征昭邱杳何處白日沮川明回颿卷客思蕩盡今古
情茲遊縱汗漫聊證松蘿盟計旬卽旋軫無淹風雪程

靈區知匪遙冬岫黛逾綠石磴相週遭攀援陟其麓澗水雲
中來瀉地若醺醪山靈傾玉膏千載洗塵俗能令奔競徒鑒
影欲裊足耄柳閒聳松飛翠半天撲霜樹標赤城豔勝春紅
簇翻疑深谷中寒候誤顓頊暮色蒼然來遂就招提宿

崩崖勢奇絕疊石摩青霄灌木挺石縫參天何岩巒委葉墜
深壑翩如驚燕飄云昔有龍女飛瀑移山腰穿地傾玉液空
明龍碧綃涓涓湛幽絲十陽炙不消屈注百千折東之爲三
橋靈源會雷雨亢旱蘇稿苗有祠在其址元靜殊寂寥善世

獨不伐神力何其超

崩劣鬼谷洞乃在青溪東運值二周末猶開游說宗弟子佩
相印意氣驕長虹抵掌東西帝侯王趨下風政也坑諸儒略
與邱貉同縱擅捭闔術辨舌難爲功悲哉橫議禍莫救驪山
窮豈如師柱下守雌猶爲雄掉舌匪吾志括囊可持躬玩此
青溪水澹然守虛沖惟應約巢許洗耳澄波中

寺中數開士愛客且淹畱兩周乃邦彥意氣能相求昕夕共
拳陟申章何綢繆楊子適後至策蹇追同遊旣愜泉石願復
聯文藻傳是閒最深雋靈秀難窮搜相與眷後會重至期來
秋駕言返郢甸揮袂山之幽高松似引領山鳥鳴啁啾溪水

亦送客故作深洄流行行下修阪去去無停輶解鞍已城郭
歸夢猶林邱題書寄猿鶴共慰離別愁前諾各不負裴糧當
再謀

題青溪寺

秀絕青溪寺溪光靜更妍峰含太古色僧老蔚藍天龍象威
儀肅磨巖躡跡連空階何代柏蟠屈不知年

衣鉢猶畱塔離披冒薜蘿洞虛雲臥久石裂木生多絕磴樵
相語危峰牧放歌僧言松徑外昨夜虎來過

崩崖五丁闢疊石坼穹窿乍瀉一泓玉俄成千丈虹湍回聲
總寂日照影如空自愧塵纓久端宜濯此中

石梁復環疊漱玉膩無聲練合三泉匯琴韻五弄清沈心除
垢累濯魄悟虛明誰發煙波興扁舟載酒行
禁中郎訪鬼谷
洞留造琴曲五
弄有淶水之曲
卽謂青溪也

山山紅樹接迤邐弄晴暉絳節森蒼磴明霞麗翠微穿林羣
鳥噪踏葉一僧歸金碧將軍畫屏風是耶非

危石支頤坐山空息眾喧飲溪翺翠鳥拾果下元猿代卓高
僧錫途稀過客軒地偏心更遠忘象亦忘言

發迹景純詠標名桑氏經勝能兼奧曠秀乃出空靈梵宇遠
公闢仙蹤鬼谷扁慚非顏謝筆未敢勒山庭

龍女祠

聽經參妙諦移瀑至今聞雪竇涵靈澤巖扉護法雲抱珠時
出入噓氣想氤氲簫鼓年年會村氓報賽勤

別青溪

荀輿侵曉下青溪回首蒼山意自悽不獨溪聲送嗚咽澗猿
林鳥一時嘯

題青龍觀臥鐘

太音從古貴希聲直遣滄溟靜海鯨莫訝雷霆藏滿腹翻愁
石破萬山驚

歸過當陽

名山吾已謁歸轡此重經沙帶雙川白畦連一縣青昭邱迷

隴阪郢甸接郊垌向夕遙天望寥寥有客星

途中贈東垣

命駕同稽呂偕遊得向禽竟符圯上約不負歲寒心邂逅歡

投稿

謂兩周生

雲山慶盍簪知君無二諾金石喻精忱

東垣以黃梅絲梅各一株代植齋中賦詩志謝

蕭齋久寂寥頗類蓬蒿居老桂及稚竹階下交扶疏雜花更
無有流翫情難舒今晨步荒徑不速俄造廬前者夏黃公行
歌芝可茹後者夢絲華搖曳青霞裾足音蹙然至歲晏能華
予我起疾相迓前行將擊祛誰知故人贈代督園丁鋤多情
慰老眠妙手能補苴奇姿與秀骨二妙載同車葭灰動六琯

已覺陽和噓元氣在戶牖凜冽埽無餘冰雪卽總至不能侵
犯渠英華吐馨烈臭味猶堪咀頓令數弓地繁花粲瓊琚勸
君緩歸櫂小園樂只且更作犀首飲無使清樽虛

十一月十一夜震雷以電作此簡劉子敬齋楊子庚垣
元冬何意驟聞雷赤電交穿雨雹來烏雀栖枝仍噪起龍蛇
蟄夢盡驚回天心仁愛猶愆候帝念憂勤詎諱災二客相從
推變異通經還見廣川才

黃翔雲同年出守雅州過南郡見訪賦贈

臺郎謬謬古人風干木誰能署尾同獨破陰霾爭大計猶憑
天日照孤忠一麾暫遣專城出九折何慚叱馭雄契闊廿年

仍解纜離心不盡夕陽中

答周亮臣茂才

乍得溪山勝仍逢磊落人
論交如舊識投我有陽春
北冀超騰選東京氣節倫
朝簪能早相審諤卽貞臣

答周鳳山茂才

廉吏兒孫弟子行寢邱今歎薄
田荒十年憂患成豪傑一日
風雲助激昂注水駿蹏饒逸氣
天池鵬翼起高翔山中邂逅
驚投句訝爾神鋒已吐芒

寄訊月潭上人

石氣林端潤松風磬外清
冥心忘澗響得句妙天成
格律參

三昧雲霞供一生惠休工怨別日暮若爲情

題湯蝨仙小隱園詩鈔

無端歌哭感何深小雅離騷怨誹音歆作寒潮戰風雨龍鼉
夜夜雜悲吟

風漢何能與科第酒悲容易發唏噓離離滿幅較綃淚問有
癡人解惜無

將還山李鳳岡松巖兄弟張繼堂司小香邀餞於古柏堂遂

宿焉次日乃放舟賦此留別諸子

按歷代名畫記江陵天
皇寺內有柏堂張僧繇

畫盧舍那佛及仲尼十哲像梁武帝問釋門之內如何畫
孔聖僧繇曰後當賴此耳及後周武帝滅佛法獨此殿以
有宣尼像得不毀杜子美將適江陵詩云喜近天皇寺先
披古畫圖原注云此寺內有王右軍書張僧繇畫孔子及

顏子十
哲形像

密邇天皇寺人傳古柏堂通靈無妙畫超劫只空王疲馬嘶
岡隴征禽避雪霜殷勤諸子意于此舉離觴

僻壤兼郊郭囂聲遠市塵江湖環曠野鐘磬落諸天夢息塵
中接鐙昏定後禪明朝挂帆別回首各茫然

贈楊海琴同年

己巳

使君昔守零陵郡元柳風流實再新旌節翻成窮塞主蓬萊
曾是謫仙人巖疆曠寂疑羈旅宦興蕭條似隱淪寄語圖南
卿養鵬雄飛詎作久逡巡

當年銅馬犯城來慷慨吹笳上敵臺竟起書生當矢石仍從

戰地會樽罍名山遍詠輝林壑勝蹟全搜闢草萊絕壁淋漓
鐫醉墨燕然何減勒銘才

海內同聲喻斷金遠勞天末訊苔岑十年戰伐英雄老一紙
關山慰藉深縱使班荆遲識面何殊數枉快論心思酬縞紵
慙瓊報手折疏麻答好音

答馬香林明經

飛來尺素到山中海鶴如聞睹碧空永路渾忘千里隔豪情
猶敵萬夫雄神仙陸地同商老耄耄詩人有放翁六載清樽
成間阻幾時仍挂布帆風

丁枕泉訪我南郡云有洞庭江漢之遊賦二詩贈之

簷溪風冉冉吹送出山雲乘興過南郡超如鸞鵠羣汀洲秀
蘭杜采采挹清芬屈宋雄騷國千年直待君

瓊枝幾年別復見此城隅忽憶湘靈瑟行逢漢女珠高情薄
軒冕逸藻映江湖謝客登臨興風流爾自殊

登山望江流決口

輝赫陽侯怒轟騰地軸翻稽天坼一簣沸雪駭三門日月均
漂蕩江湖總濁渾防川徒自取沈溺竟誰寬

得漢銅弩機紀之以詩

範銅爲之上有銀鏤細字曰漢安右軍又有工掾二字其末銀絲嵌填如

尺度者然蓋盈二寸云攷之東漢順帝時物也

弩機班駁銀鏤細上有漢安右軍之銘字其末分寸鏤尤明

自括當年有遺意東京孝順稱漢安二羌交亂兼烏桓威邊
利器召工鑄強弩將軍皆拜官弩牀範銅利發矢谿子巨來
未堪比是時征伐咸有功制勝將無多恃此吾觀順政已不
綱封侯十九盈貂璫權歸后族擅廢立桓靈繼軌炎精亡嗟
乎立國在刑政無過登賢去羣倭帝皇王霸操術同號令最
先此魁柄乃知剛斷惟雄才四夷盜賊無不摧挂弓扶桑可
端拱區區弩矢安用哉

寄汪子詞源

別廿餘年矣今歲春仲見訪山中間日
即告歸悵然無已別後寄此以述離悵

昔別猶英妙今逢遽老成流離傷世故忠孝出書生乍喜遊
談接初欣喪亂平竟陵耆舊少得子興縱橫

信宿拏舟返山齋倍鬱陶林巒遲淑景風雨亂江濤客路紆
何極征帆望已勞幾時三徑裏重爲訪蓬蒿

沈童子詩

童子名蒙端青浦沈辛才大令之子僑鄂中咸豐二年十二月四日粵逆陷鄂城辛才自外歸賊踵

之才刃將下門啓蒙端卽以身蔽父賊叢矛刺之蒙端死辛才亦中刃五蹈地竟得甦蒙端母孫氏入井投繯皆不死耳昨覺有呼者曰兒在母母驚亦得免事平辛才乃斂而葬之洪山童子死時年十有五其同里袁廉叔爲撰沈童子傳

徵題

啓戶刀光掣電影刃飛將繞阿翁頸童子直冒白刃叢語賊
代翁血涕請刃中兒死翁竟甦兒身殞矣神則愉魂趨救母
母亦免童子大笑歸黃墟穴胸陷脰曾不辭義在救翁軀可
廉童子何知有青史馨香俎豆非所期古今彭殤誰不死上

有天柱下人紀屹然指撐霄壤間頭髮未燥一童子

寄靈山

客有懷長劍浩歌雲杜間海鵬搏未起天馬步誰攀日月蓬萊禁文章冊府山終期簪鏤管往綴侍臣班

答熊雨臚國博

放棄嗟亭伯摧頽惜敬通心驚燿繳後名起澗槃中墜緒扶前哲羣流屈下風名山視麟閣大業孰爲雄

跛鼈蹒跚甚搏鵬變化靈胡爲招埒井相與測滄溟題句傳幽谷將書下洞庭鉛刀無足重何以答清萍

向梅修司馬筵上作漁人出山圖屬題詩爲之解嘲

漁人昔隱桃花間今日漁郎方出山時平貴出不貴處人自
勞勞山自閒漁郎曾獻淩雲賦乘興飛鳧江上度風流故是
安仁才繞縣栽花定無數自言日夕夢巖扉暫營薄祿奉親
闈三徑有資吾願足請從栗里巾車歸飄飄出岫閒雲似任
運委心定行止洞口桃花勿笑人此言不食如江水

百柱堂全集卷二十六終